

# ***TOONO JISOS***

Jisos bungu re, "Toon-m."

Mark 2 : 14



**SCRIPTURE GIFT MISSION**  
ECCLESTON ST., LONDON SW1W 9LZ  
*Printed in Great Britain*

## **Alum nya Ntul a Jisos bungu no**

**Nne awohng awohng no l'  
tong re á kp-m loko, á bahk-m  
tiki toono. Jon 12 : 26**

**Me wo li ellenge ni njini.  
Nne awohng awohng no l'  
toon-m, á nehm kpe jen go  
ejanngé, á bahke bele ellenge  
ni elkpin. Jon 8 : 12**

**Tibre yefono Kraist tob  
nyehne erem go egahne esi,  
owo á tib-n mbang nyi m'  
bahke jo toono. I Pita 2 : 21**

**Nwer nya, bo ko alum Esowo nya lohng  
yefono nwer Esowo kak. Fuumu re wo bel  
nwer Esowo, jo lung, tibre alum nya wob  
atahng, Esowo bi lennge no ka ane kpekpe.**

## **Elum ni li bade alahb ma kpo ka nne elkpin**

Jisos kehm song rehng go ejahbe Samaria ajehng . . . Elbing alahb ni Jakob jolo ona. Eji Jisos ma lahng eljen, á kehm ba ji o elbing alahb nio. Ngare nyio jolo ngare efin.

Owo nnenkal a Samaria kehm bake re á ba tuk alahb. Jisos kehm-e tongo re, “Ka-m alahb, me n wo!” . . . Nnenkal a Samaria noo kehm-e faange re, “Jen ji wahnge a kp-m bahbe re, me



n ka-a alahb, wo ji li na nne a Jus, gana me nne a Samaria?”

Jisos kehm-e faange re, “Li re a kp’ kahne ayare nya Esowo kpo ka, fere kahn nne no kp-a bahbe re, wo ka-e alahb, á wo, kehn a m-e gboongo na, á ka-a alahb mao ma elkpin.”

Mmonankal noo kehm-e bahbe re, “Nsoo, ejum limm, ji a bahke koko tuk alahb, gana elbing alahb nia kp’ rahbe. Gan wo a bahke bele alahb mao ma elkpin?”

Jisos kehm-e tongo re, “Nne awohng awohng no l’ wo alahb maa, bahk-e kpe kor. Nne awohng awohng no l’ wo alahb mao ma m bahk-e kake, ekor bahk-e tane. Alahb mao ma m bahk-e kake, bahke jo tub mb’behl go ege atahng, fere gbo ebgba bi bahke jo fab, rehng go elkpin ni li go njinanjini.”

Jon 4 : 5-7, 9-11, 13-14

## Jisos li ana ebred ji kpo ka nne elkpin

Eji Jisos tabe esamahr ebe wahre, nyehn ellong ane bao kp' bake, á kehm bahbe Filip re, "E bahke limi renan, kehm gunu abred nya ane bao kpee bahke lehke?" Á bungu ellum nia re á wuung-e. Tibre yefono antahng jo k'kahn kpee ji á bahke limi.

Filip kehm-e faange re, "Mpon eltahl, e l' ko gunu abred, jol nehm tohko b'biingi bo, afi nne awohng awohng jo li ntiil."

Nt'toono ewe awohng no bo jo lung-e re Andru ji mmonannyehn a Saimon Pita, kehm-e tongo re, "Mmonse awohng li ana,



no kpi ebred na eblon, a abon nsahre na abal. Anv, nyaa a, tohko l' li jen, ka ellong ane ana nia?"

Jisos kehm tongo bo re, "Tongen ane bao, bo ji ndi." Tibre ajele jolo gbalee edi jio. Owo ane bao kehm jehke ndi. Bo jolo ejum aneblum atahltahl nkpel ewubbal atahl awubu. Jisos kehm rodo abred nyao, kak Esowo saam, kehm bake ane bao ba ji go ndi. Ano wo fvfo á tob lim go abon nsahre bao. Nne awohng awohng li ana kor-e no.

Eji bo ma wohngo ane kpee, Jisos kehm tongo abat'toono ebe re, "Taaren bo erik ji ma sa, eji ejum ajehng ajehng l' k' ranng e mbol mbol."

\* \* \*

Jisos kehm tongo bo re, "Etingitingi, n kp' bungu tong-n re, Nsoo wo kp-n kake etingitingi ebred ji lohng go

ejahbetul Esowo. Tibre ebred ji Esowo  
li ebred ji lohng go ejahbetul Esowo,  
ba ka njini elkpin.”

Bo kehm-e tongo re, “Nsoo, jo ka-r  
ebred jio ngare anyehng anyehng!”

Jisos kehm tongo bo re, “Me wo li  
ebred ji elkpin. Nne no l’ ba go egame,  
njai we nehm kpe yam. Nne no l’  
taame tv-m, ekor alahb bahk-e tane.”

Jon 6 : 5-12, 32-35

## **Jisos lim-r e nyehn ellenge eji e bahke jolo go elkpin**

Jisos kehm kpe kehme elbungu a bo  
re, “Me wo li ellenge ni  
njini. Nne awohng






awohng no l' toon-m, á nehm kpe  
jen go ejannge, á bahke bele ellenge  
ni elkpin.” Jon 8 : 12

Jisos kehm faange bo re, “Ellen  
nia, li a nahne mmongare ntiil. Jo  
jenen, eji ellenge kpeke li, goji  
ejannge l' ki-n kpiri. Nne no kp' jene  
go ejannge, á kpehme kahn edi ji á fi  
fi. Eji ellenge nia, kpeke li a nahne,  
taamen tv ellenge nia, eji n' l' jol abon  
ba ellenge.

“Nne no l' taame tv-m, á taamem tv  
me me, á tob taame tv nne no tum-m  
no. Nne no l' nyehn-m, yebnyehn nne  
no tum-m no.






“M ba go njini nyia ba jol ellenge, eji nne awohng awohng no l’ taame tv-m, á l’ k’ kpe sa go ejanngé. Nne awohng awohng no l’ wuk alum enyame, k’ fere bum alum nyao, we n nehm lam. Tibre m baam re me m ba lam njini nyia. M ba na re me m ba tahre njini nyia . . . Alum nya m ma bung a, nyanehm nya bahk-e lame go es’kohro efung.” Jon 12 : 35–36, 44–48

Esowo b’nehm bi bungu re, “Ellenge jol go ejanngé,” b’nehm bi ma kak ellenge go egahra ntim, nio ni elkahne ni ellub ni Esowo go esamahr bi Kraist. 2 Korint 4 : 6

# Eka ji li bade nne no baabe ejoro nob nob


Jisos bungu re, “Etingitingi, n kp’ bungu tong-n re, Nne awohng awohng no tohko yel go mbutahk mi etahk ejoro, á l’ fere wahr edi jindiki yel, nne noo ona nwajv nyi.

“Nne no l’ yel go mbutahk, ye wo li mbaabebul. Ye wo, nne no kpo baabe mbu bahke lennge ka-e, á yel. Ejoro ebe kpo wuk ellum ene. Á kpo lung ejoro ebe go bo abing, fere lohng a bo.



“Á l’ yehke bo kpee, á kpo fere gbo bo mbang, ejoro jo toon-e go njahm. Tibre bo kp’ liingi ellum ene. Njenne, bo we nehm toono. Bo bahk-e beke na, yaam-e sa. Tibre alum ajenne, bo nehme liingi.

“Me wo li nnooba mbaabebul, nnooba mbaabebul no bahke kake elkpín ene go esi ejoro ebe. Nne no bo lak-e na, no ki li nfono ejoro, á l’ nyehn ebi nnyam kp’ bake, á bahke beke, ejoro bio sa. Ebi nnyam nyio bahke bake, ba bob ejoro bindiki, behko yaame ebo kpee. Nne noo bahke beke, tibre bo lak-e na, á nehme tiiri ejoro bio.



“Me wo li nnooba mbaabebul. N kp’ kahne ejoro b’bame, ejoro ebame kp-m tob kahn. Ana Nsoo kp-m kahne, ano wo fvfo n kp’ tob kahn Nsoo. Me n yake elkpin ename ka go esi ejoro ebame.

“N kpi ejoro bindiki, bi ki wob go ellong nia. Bo fvfo, m bahke tob ko bo ba. Bo bahke wuku alum enyame, fere jol ellong anehng, a mbaabebul awohng.

“Ejoro ebame kpo wuk alum enyame. N kp’ kahne bo, bo kp-m toono. N kpo ka bo elkpin ni li go njinanjini. Bo nehm tiki kpo tan. Nne nne limm, no bahke ma fooro bo go egame abo, tahm a bo.” Jon 10 : 1-5, 11-16, 27-28



## **Eka ji li bade eti ji kabe annoobo akab**

“Me wo li etingitingi evain. Nsoo wo li nne no kpo lim eltum go etahngga, jo kuuru nti enye. Mb’bo eti anyehng anyehng nyi tohko kab akab, á gbahk tub go. Mb’bo eti anyehng anyehng nyi l’ kab akab, á kpo tele na sere, eji l’ kpe kab akab gbalee budu.

“Wahn ebsi b’bar tib go alum nya m ma bung tong-n. Jolen a name, m bahke tob jol a nahne. Ana mbo eti

l' k' ma kab akab antahng, tohko tiki jol re á laake go ek'kv eti, ano wo tob li ka-n fvfo re, n' nehm ma kab akab, tohko tiki jol re n' laake me.

“Me wo li ek'kv eti, wahn ba li ab'bo eti. Nne no l' ya laak-m, ye wo m bahke tob laak-e, á bahke kabe akab gbalee. Tib tohko tiki jol re, n' ya laake me, n' nehm ma lim ejumjum.

“Nne no tohko ya laake me, bo bahk-e kimi tub go ana mb'bo eti. Á bahke wuudu sa o kpo. Ab'bo nyao, bo bahke kpuku na luk edi ajehng, jahm agun.

“N' l' ya laak-m, alum enyame tob jol a nahne, bahben ajehng ajehng ji n' kp' sebe, m' bahke bele. Ana wo Nsoo bahke jo bel ellub, n' l' jo kab akab. Tibre nyao nya bahke tibi re, wahn abat'toono ebame ba.” Jon 15 : 1-8

**Jisos wo li mbang nyi nne  
bahke sehng rehng goji  
Esowo. Jisos fvfo tibi ane  
etingitingi, fere ka bo elkpin.**

“Kana jo taame re, ntim enyahne jo  
gbiing-n! Taamen tv Esowo, wahn tob  
taame tv me! Go etahk Nsoo akimi  
nyaa tvv. Tibre n fi song toobo edi  
bum-n. Ki li ano, kehn wahn n jolem  
tongo.

“N l’ je song toobo edi jio bum-n, owo  
m bahke kpe feere ba, ba ko-n tahm  
a nahne go edi ji n li no, eji n l’ tob  
jol go edi jio ji n li no.

“Anv, wahn ebkahn mbang nyi n  
bahke sehng rehng go edi ji n fi no . . .  
Me wo li mbang, me wo li etingitingi,  
me wo li elkpin. Nne nne limm, no  
bahke sehng rehng goji Nsoo, tohko  
tiki jol re á sehng go egame. Tibre me  
wo li mbang rehng goji Nsoo.”

Jon 14 : 1-4, 6

## **Tibre esi Jisos ji wahnge ane bahke nyahme go elkv fere bel elkpin**

Jisos bungu re, “Me wo li enyahme ngubjing go elkv. Me wo li elkpin. Nne no l’ taame tv-m, afi á kpo na, á bahke fere jol go elkpin. Nne no l’ jol go elkpin, fere taame tv-m, á nehm kpe tiki kpo ekpokokpoko. Wobtaame ana n tong-a noa?”

“Ee Ntul, me n taame re, wo wo li Kraist ji Mmon no Esowo no bo tong-r re, á kp’ bake go njini.”

Jon 11 : 25-27

Owo Jisos kehm tongo re, “Nne awohng awohng no l’ seb re á toon-m, nong, á ten elne tv-m, fere rod ekros eje, tahm toon-m.

“Tibre nne awohng awohng no l’seb